




DPK/DMP

03-212/2013



REPUBLIKA E KOSOVËS

02

31.01.2013

REPUBLIKA KOSOVA

KËSHILLI GJYQËSOR I KOSOVËS

REPUBLIC OF KOSOVA

SUDSKI SAVET KOSOVA

KOSOVO JUDICIAL COUNCIL

Regj.I.nr.7559/2012

Gjykata Themelore në Mitrovicë-Departamenti i Përgjithshëm-Divizioni i Kundërvajtjes, në procedurën kundërvajtëse kundër të pandehurit Hajzer Istrefi nga Tuneli i Parë, komuna e Mitrovicës, për shkak të kundërvajtjes nga neni 9, lidhur me nenet 5 dhe 6 par. 1 pika 1,2, e sanksionuar sipas nenit 17.par.1. pika 1,1 të Ligjit Për Deklarimin, Prejardhjen dhe Kontrollin e Pasurisë së zyrtarëve të lartë publik dhe Deklarimin, Prejardhjen dhe kontrollin e Dhuratave për të gjithë personat zyrtarë /Ligji nr.04/L-50/, e në bazë të nenit 9,73,74,195 dhe 199 të Ligjit për Kundërvajtjet, me datën 25.01.2013, bjen këtë:

A K T V E N D I M

I pandehuri: **Hajzer Kamer Istrefi** i lindur me datën 16.08.1954 në fsh. Bajgorë komuna e Mitrovicës, Këshilltar në Asamblenë Komunale në Mitrovicë, i martuar, prind i 5 /pesë/ fëmijëve, ka të kryer akademinë pedagogjike, i gjendjes së mesme ekonomike, i padënuar për kundërvajtje, me vendbanim të përhershëm në Tunelin e Parë Blloku II. nr.3,

Ë s h t ë p e r g j e g j e s

Sepse si zyrtarë i lartë publik, Këshilltar në Asamblenë Komunale në Mitrovicë nuk e ka bërë deklarin e rregullt vjetorë të pasurisë në Agjencinë Kundër Korupcionit të Kosovës për vitin 2012.

- me ç'rast ka bërë kundërvajtje nga neni 8 par.1 lidhur me nenet 5 dhe 6.par.1 pika 1,2 e sanksionuar me nenin 17,parag.1 pika 1,1 të Ligjit Për Deklarimin, Prejardhjen dhe Kontrollin e Pasurisë së zyrtarëve të lartë publik dhe Deklarimin, Prejardhjen dhe kontrollin e Dhuratave për të gjithë personat zyrtarë /Ligji nr.04/L-50/, andaj në bazë të dispozitave të të njejtit ligj, e në pajtim me dispozitën e nenit 9 të Ligjit për Kundërvajtjet,

D Ë N O H E T

Me gjobë në shumë prej 420.-€ /katërqindnjëzetëuro/, të cilën gjobë i pandehuri është i obliguar ta paguaj në afat prej 15 ditësh, nga dita e plotëfuqishmërisë së këtij aktvendimi, në të kundërtën dënimi me gjobë do ti zëvendësohet me dënim me burgim në kohëzgjatje prej 21 ditësh./ duke llogaritur një ditë burgu 20 €.

I pandehuri është i obliguar që në emër të shpenzimeve të procedurës t'a paguaj shumën paushale prej 5.- (pese) €. tek kjo gjykatë.

Aktvendimi iu dërgohet : të pandehurit dhe kerkesë-dhënësit.

A r s y e t i m

Agjencioni kundër Korrupcionit në Prishtinë, me kërkesën nr.01-2530/12 të datës 13.07.2012, ka propozuar që kundër të pandehurit Hajzer Istrefi të fillohet procedura kundërvajtëse për shkak të kundërvajtjes nga neni 8 par.1 lidhur me nenet 5 dhe 6 par. 1 pika 1,2, e sanksionuar sipas nenit 17.par.1. pika 1,1 të Ligjit Për Deklarimin, Prejardhjen dhe Kontrollin e Pasurisë së zyrtarëve të lartë publik dhe Deklarimin, Prejardhjen dhe kontrollin e Dhuratave për të gjithë personat zyrtarë /Ligji nr.04/L-50/, të shpallet përgjegjës dhe dënohet sipas ligjit.

I pandehuri në procesverbal pranë kësaj gjykate me date 19.12.2012 deklaroi :”prej vitit 2009 jam anëtar i Asamblesë Komunale në Mitrovicë dhe pranoi faktin se nuk e kam plotësuar formularin për deklarimin e pasurisë nga fakti se kam menduar se duhet ta deklaroi pasurinë vetëm timen personale dhe për shkak se i kemi pasur disa qështje të pa zgjidhura në familje sa i përket pasurisë ,kam menduar që këtë ta bëj pasi që ta shqyrtojmë trashëgimin gjë të cilën e kam përfunduar në Gjykatë me vëllezër dhe tani jamë në gjendje që këtë ta parashtroi sepse kemi ndarë pasurinë e përbashkët.Pra edhe një herë po deklaroi se kjo ka qenë arsyeja e vetme që nuk e kam plotësuar dhe dërguar formularin i cili më është shpërndarë në Asamblenë komunale”.

Me qëllim të vërtetimit dhe konstatimit të drejtë dhe të plotë të gjendjes faktike,gjatë procedurës është dëgjuar edhe dëshmitari Fitim Rama ,Koordinator i njisisë për të drejtat e njeriut në Komunën e Mitrovicës ,njëherit person kontaktues me Agjencinë Kundër Korrupsionit i cili deklaroi se në momentin e marrjes së formularëve prej Agjencionit,menjëherë i ka njoftuar të gjithë zyrtarët e lartë publik ,të cilët sipas ligjit janë të obliguar që ta deklarojnë pasurinë .

Gjykata duke vlerësuar mbrojtjen e të pandehurit ,dëshminë e dëshmitarit si dhe të dhënat në kërkesë ,konstatoi se i pandehuri Hajzer Istrefi , si zyrtarë i lartë publik,këshilltar në Asamblenë Komunale në Mitrovicë ,nuk e ka bërë deklarimin e rregullt vjetor të pasurisë për vitin 2012,andaj gjykata bëri rikualifikimin e kundërvajtjes dhe gjeti se në rastin konkret në veprimet e të pandehurit ekzistojnë elementet e kundërvajtjes nga neni 8 par.1,lidhur me nenet 5 dhe 6 par.1.pika 1,2,e sanksionuar sipas nenit 17 par.1,pika 1,1 të Ligjit Për Deklarimin,Prejardhjen dhe Kontrollin e Pasurisë së zyrtarëve të lartë publik dhe Deklarimin,Prejardhjen dhe kontrollin e Dhuratave për të gjithë personat zyrtarë /Ligji nr.04/L-50/,për të cilën kundërvajtje gjykata të pandehurin e shpallë përgjegjës dhe dënoi me gjobë në shumë prej 420.-€.

Gjyqtari pas vlerësimit të provave,deklaratës së të pandehurit i cili e pranon faktin se ka qenë i informuar nga ana e zyrtarit komunal lidhur me obligimin për plotësimin e formularëve dhe parashtrimin e tyre në Agjencion por për shkak të arsyrave të lartëcekura nuk e ka bërë një gjë të tillë,konstatoi se i pandehuri Hajzer Istrefi si zyrtarë i lartë publik /këshilltar në asamblenë komunale në Mitrovicë nuk e ka bërë deklarimin e rregullt vjetor të pasurisë për vitin 2012,për çka edhe i pandehuri u shpall përgjegjës dhe dënua .

Gjatë caktimit të dënimit u morën para syshë rrethanat e parapara me nenin 9 të LK,dhe u konstataua se ne rastin konkret me kundërvajtje nuk janë shkaktuar pasoja të rënda,ndërsa ekzistojnë rrethana lehtësuese si gjendja ekonomike e të pandehurit /realizon të ardhura mujore nga mardhënja e punës në KRM “UNITETI” në shumë prej 325 € për muaj,është kryefamiljar,baba i 5 fëmijëve ,dhe gjyqtari është i mendimit që edhe më një dënim më të butë mundë të arrihet qëllimi i dënimit.

Vendimi mbi shpenzimet e procedurës kundërvajtëse është bërë në bazë të **nenit 109 al. 2** të Ligjit mbi kundërvajtjet.

KËSHILLA JURIDIKE: Kundër këtij aktvendimi është e lejuar **ankesa** në afat prej 8 ditësh prej ditës së marrjes së aktvendimit Gjykatës së Apelit-Departamenti i Përgjithshëm-Divizioni i Kundërvajtjes , përmes kësaj Gjykate.

U vendos në Gjykatën Themelore në Mitrovicë-Departamenti i Përgjithshëm-Divizioni i Kundërvajtjes , me datën 25.01.2013 Regj.I.nr.7559/2012.



GJYQTARI
Sabit Rama